



Uunga siunnersuut: Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat.

Aningaasaqarnermut Nunamullu Namminermut Naalakkersuisoq

Siullermeernera

Naalakkersuisut sinnerlugit Aningaasaqarnermut Nunamullu Namminermut Naalakkersuisup saqqumiussaaanut, Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaattut siunnersuut imatut Naleqqamiit oqaaseqaateqarfigissavarput.

Inatsisissatut siunnersuut misissuataarnerani maluginiarparput assigiinngitsunik arlalinnik allannguutitaqartitertoq.

Kommunit Namminersorlutillu Oqartussat missingersuutaat naatsorsuutaallu pineqaraluartut uani Inatsisartut inatsisaata allanngortinneqarnissaanut imarisaani maluginiagassaavoq naatsuutit toqqaannartumik pineqaratik missingersuutaanut tunngussuteqartumik ukiumut aningaasaliissutinut naleqqussaannermik imaqartoq.

Ilanngullugu Inatsisartut inatsisaata allanngortinnissaanut siunnersuummi arlaqartuni 49 ammalu paragraf 50 atorunnaarsillugit paragraf 2 aammalu paragraf 4 nutaamik paasiuminarnerusunnngorsarlugit ilaatigut naleqqussaaffigineqartut.

Inatsisartut inatsisaata taamatut allanngortinneqarnerat naleqqussaaffiuvoq naapertuutinngitsunik allaqartunik naleqqussaasoqarluni.

Oqaatigeriikkatsituut kommunit aamma Namminersorlutik Oqartussat Naatsorsuutaat uani allannguinermi pineqanngillat, naleqqussaanerillu assigiinngitsut aallaavigalugit ilaatigut naleqqussaannermi inuit amerlassusiisa ineriartortarnerannut tunngassuteqarput, taamatullu aningaasaliinernik anginerusunut katersisarnernut tunngassuteqarput aammalu kommunit



Namminersorlutillu Oqartussat akornanni sulianik assigiinngitsunik nuussuisarnerannut inniminniisarnissamut periarfissiisunik allanguinerit imaqarput.

Inuiaqatigiit katitigaanerisa allanngoriartorneranut attuumassuteqartumik aningaasartuuteqarnerulersinnaaneq siunissami pisussaq ornipparput taamatullu ajornartorsiutit allat assingusut pisortat aningaasartuutaasa qaffannerisigut aaqqinniarneqarnerannut akileraarut annertuumik pisariaqassasoq oqaaseqaatini nassuiaatitaani ilanngunneqarsimavoq, taamatullu pisortat ingerlataat alliartuinnavissasoq aningaasarpassuarnik naleqartumik.

Tassunga tunngatillugu Naleqqamiit isumarput annittuagarput tassaavoq innuttaasut kaasarfiiniik aallertuarneq qimattariaqartoq qitiusumiillu ileqqaarinerit pitsaanagerusumik maannakkumiit ingerlattariaqarigut, soorlu aamma ineqarnermut qaffaaniarnerit qitiusumiit akilertariaqarigut Naleqqamiit oqariartuutigaarput innuttaasut kaasarfiiniik aalleqqittuarneq uagut peqataatilluta ingerlaqqissanngitsoq paatsoorneqarsinnaanngitsumik ersarilluinnartumillu oqaatigisagarput attapparput aaliangiusimalluinnarlutigulu.

Ineqarnermut qaffaatissat ineqartunut tutsinnagu aallatut aaqqiiffiginissaa kaammattuutigaarput, taamatullu siunissami utoqqaat amerlanerulernissaat ornitarput akissaqartinniarlugu ileqqaarinissarput toqqammavissarsiorlugu aallareriissagipput Naleqqamiit isumaqarpugut.

Naalackersuisusooqatigiit isumatigiissutiginikuusarput attapparput tassalu Kalaallit Nunaanni akileraarutit killeqanngitsumik qaffannissaat kissaatiginngilarput aamma Naalackersuisut pisortatigut aningaasartuutit BNP-mi ilaat annikillisarnissaat anguniarpaat. Nunap inuinit pitsaanagerusumik atugaqalernissaq siunnerfigaarput.

Inatsit ilaatigut aamma imaqarpoq siunissamut ungasinnerusumut eqqarsarluta periuseqartalissasugut siunnerfigalutigu, tassa inuit ilaasa tupinnanngitsumik apeqqutigisalerpaat sooruna ukiuni sisamanik qinigaasarlutik siunissamut ungasinnerusumut eqqarsarlutik aaliangiisaarniartugut. Tamannalu ersarippoq soorlu ippassaq erngup nukinga atorlugu aningaasaleeriaatsit eqqartukkagut ukiuni 17-inut pilersaarusiorneqarsimasoq nunatta karsianut akisuumik pilersussaagalarpoq tamakkiinersumik aningaasartorfiusussaq iluanaarutitaqannginnerumillu inissittussaagalarluni, tamannali ukiunut 80-inut siaarneratigut nammineq 30 %-ia akileriarlugu sinneruttoq 70 % avataani attartorluni ukiuni



arlaqarnerusunut siaaraanni inuiaqatigiinnut akikinnerusumik kinguneqartussaavoq allaat ukiopassuarni siaarnerani nunatta aningaasatigut pitsaanerusunut inissisimalernerat aningaasartuutit peeraanni nunatsinnut 35 milliardit angullugit iluanaaruteqarfigisagipput anguneqarsinnaasunngorluni.

Taamaammat siunissami qaninnerusumut inissialiortariaaserput ukiunut sisamanut missingersuusiortarnermut qulaani assersuutigisatsittut ittumik ukiunut amerlanerusunut siaaraanni akikinnerusumik pisariinnerusumik pilersaaruisorluakkamillu ingerlakkaanni aamma tamanna atuisunut akikinneruliinnarani ataavartumik siunissamat sanaartorsinnaanenrmik tamanna aqutissiuussisussatut sakkussat ilaattut periarfissaalissaaq.

Inatsisartut Inatsisaat pisariillisaanikkut naleqqussaaqqinnikkullu allannguinnissamik imaqartoq teknikitalerujussuuvoq taamaammalu ataatsimiititaliami nalilersorluarlugu suliarilluarneqarnissaa pingaaruteqartoq Naleqqamiit isumaqarfigaarput aappasaaniinngineranilu aningaasaqarnermut akileraartarnermullu ataatsimiititaliami sulianerineqarnissaa taaamatut oqaaseqaateqarluta innersuussutigalutigu